



**SURAT EDARAN PENTADBIRAN
BILANGAN 8 TAHUN 2015**

**PEMAKLUMAN PENGGUNAAN
GELARAN “Engr.” OLEH AHLI-AHLI
INSTITUSI JURUTERA MALAYSIA (IEM)**

Pejabat Pendaftar
6 April 2015

Disalinkan kepada:

Naib Canselor
Timbalan Naib Canselor (Akademik & Antarabangsa)
Timbalan Naib Canselor (Penyelidikan & Inovasi)
Timbalan Naib Canselor (Hal Ehwal Pelajar)
Penolong Naib Canselor (Jaringan Industri & Masyarakat)
Penolong Naib Canselor (Pembangunan & Pengurusan Fasiliti)
Pegawai-Pegawai Kanan

UNIVERSITI TEKNIKAL MALAYSIA MELAKA

UTeM. UTeM.02.05.03/100-3/2/3 Jld. 3 (80)

6 APRIL 2015

SURAT EDARAN PENTADBIRAN BIL. 8/2015

PEMAKLUMAN PENGGUNAAN GELARAN “Engr.” OLEH AHLI-AHLI INSTITUSI JURUTERA MALAYSIA (IEM)

Surat Edaran Pentadbiran ini bertujuan untuk memaklumkan kepada pengetahuan semua staf Universiti Teknikal Malaysia Melaka (UTeM) mengenai Pemakluman Penggunaan Gelaran “Engr.” Oleh Ahli-Ahli Institusi Jurutera Malaysia (IEM).

2.0 Pihak Universiti melalui Surat Edaran Pentadbiran Bilangan 3 Tahun 2014 bertarikh 30 Januari 2014 telah menerangkan berkenaan penggunaan gelaran “Engr.” hanyalah bagi Jurutera yang berdaftar bersama Lembaga Jurutera Malaysia (LJM) dan tidak boleh digunakan oleh Jurutera Profesional.

3.0 Walau bagaimanapun, pihak LJM melalui surat bernombor rujukan BEM/PBL/01-04(IHL2015) bertarikh 23 Februari 2015 telah menerangkan berkenaan penggunaan gelaran “Engr.” oleh Ahli-Ahli Institusi Jurutera Malaysia berdasarkan penelitian dari sudut perundangan oleh Penasihat Undang-Undang, Kementerian Kerja Raya (KKR).

4.0 Berdasarkan penelitian tersebut, penggunaan gelaran “Engr.” adalah melanggar undang-undang yang diperuntukkan di bawah Seksyen 7(1)(aa)(ii) Akta Pendaftaran Jurutera 1967 -

“7(1) *No person shall, unless he is Professional Engineer –*

(aa) be entitled to describe himself or hold himself out under any name, style or title –

(i) bearing the words “Professional Engineer” or the equivalent thereto in any other language;

(ii) bearing any other word whatsoever in any language which may reasonably be construed to imply that he is a Professional Engineer; or

- (iii) *using the abbreviation “Ir.” before his name or the abbreviation “P.Eng.” after his name or in any way in association with his name;*

5.0 Justeru itu, sesiapa pun tidak boleh menggunakan apa-apa gelaran yang boleh membawa maksud dan memberi gambaran atau idea (selain dari “Ir.” atau “P.Eng.”) bahawa beliau adalah “Jurutera Profesional”.

6.0 Sekiranya Seksyen 7(1) Akta Pendaftaran Jurutera 1967 tidak dipatuhi, adalah dikhuatiri peruntukan undang-undang ini akan menjadi lumpuh dan beberapa kesan yang tidak diingini timbul seperti:

- (a) Ia akan “jeopardy” akta profesional yang lain yang mempunyai peruntukan yang sama di mana membenarkan siswazah memperkenalkan dirinya sebagai professional seperti Arkitek, Juruukur, Peguam, Doktor dan sebagainya.
- (b) Sesiapa sahaja yang tidak mempunyai kelulusan boleh mengguna pakai gelaran yang memperkenalkan diri mereka sebagai profesional termasuk orang asing.
- (c) Akta Pendaftaran Jurutera 1967 yang dipinda pada tahun 2014 adalah untuk mengelakkan kemasukan jurutera asing tidak mahir termasuk mereka yang menyamar sebagai Jurutera Profesional yang boleh mengguna gelaran seperti “Engineer” dan sebagainya.
- (d) Perkara ini juga bagi mengelakkan daripada kekeliruan dalam kalangan rakyat jika sesiapa sahaja (termasuk siswazah kejuruteraan) memperkenalkan diri mereka sebagai jurutera dan disalah takrifkan sebagai “Jurutera Profesional”.

7.0 Isu berkaitan pemakaian gelaran “Engr.” oleh ahli-ahli IEM telah dibangkitkan dalam Mesyuarat Jemaah Menteri. Kementerian Kerja Raya telah memberi penjelasan ketidakwajaran penggunaan gelaran “Engr.” dari segi undang-undang. Pelanggaran Akta Pendaftaran Jurutera 1967 boleh diambil tindakan di bawah Seksyen 25(1) –

“25. (1) Any person, sole proprietorship, partnership or body corporate who contravenes this Act or any regulations made thereunder shall be guilty of an offence and shall, where no penalty is expressly provided therefore, be liable, on conviction, to a fine not exceeding ten thousand ringgit or to imprisonment for a term not exceeding one year, or to both.”

8.0 Lembaga Jurutera Malaysia melalui surat yang sama turut memberi makluman berkenaan kebenaran kepada Jurutera Siswazah berdaftar di LJM layak untuk menggunakan gelaran “Grad. Engr.” selepas nama mereka dan bukan lain-lain gelaran seperti mana yang digariskan pada Akta Pendaftaran Jurutera 1967 (Pindaan 2014).

9.0 Sehubungan dengan itu, semua warga Universiti adalah dipohon untuk mengambil perhatian berkenaan perkara ini bagi mengelakkan dikenakan tindakan yang menyalahi undang-undang di bawah Akta Pendaftaran Jurutera 1967 seperti yang dinyatakan.

10.0 Surat Edaran Pentadbiran ini berkuat kuasa mulai dari tarikh ianya dikeluarkan.

Sekian, harap maklum.

“KOMPETENSI TERAS KEGEMILANGAN”

Saya yang menurut perintah,



DATUK HASAN BIN SIRUN
Pendaftar

/wnskb